

玉

海

二十五

玉海卷第五十

浚儀王應麟伯厚甫

藝文

譜牒

鄭樵氏族略曰三代之前姓氏分而爲二男子稱氏婦人稱姓氏以別貴賤貴者有氏賤者有名無氏姓所以別婚姻故有同姓異姓庶姓之別三代之後姓氏合而爲一皆所以別婚姻而以地望明貴賤於文女生爲姓故姓之字多從女如姬姜嬴姒姚嬀姑妘媯始姪嫪之類是也 大傳正義云

始祖爲正姓者若炎帝姓姜黃帝姓姬周姓姬本
於黃齊姓姜本於炎宋姓子本於契云高祖爲庶
姓者若魯之三桓慶父叔牙季友之後鄭之七穆
子游子國之後爲游氏國氏云若今宗室屬籍者
以漢之同宗有屬籍則周家繫之以姓是也 古
者聖人吹律定姓以記其族後之命氏其義有九
蓋號謚爵國官字居事職之謂也自世本起于漢
氏昭穆著于晉家錫士之制著于夏書司商所掌
表於周典

黃帝二十五宗

國語晉司空季子曰黃帝之子二十五人其同姓者

二人而已唯青陽與夷鼓

皇甫謐云夷鼓一名蒼林

皆為已姓青

陽方雷氏之甥也夷鼓彤魚氏之甥也其同生而異

姓四母之子別為十二姓凡黃帝之子二十五宗

史記

紀云二

其得姓者十四人為十二姓

得姓以德居官而賜之姓也二

人為姬二人為已故十二姓

姬酉祁已滕箴任荀僖姑偃依是也

唯青陽與倉林氏同于黃帝故皆為姬姓同德之難

也如是

史記索隱曰姬姓青陽當為玄囂

史記嫫祖為黃帝正妃

生二子其後皆有天下曰玄囂昌意

漢王莽傳黃

帝二十五子分賜厥姓十有二氏

命歷序黃帝傳

王 海 卷 五
十世二千五百二十年

或云十八代

唐呂才曰堪與經

黃帝對天老有五姓之言

後漢書蘇竟曰三十五

姓注春秋運斗樞曰五七三十五人皆兆一德

占之典禮者皆以宗名伯夷作秩宗周官有宗伯下

及都家有宗人

五帝繫謨

史記三代世表太史公曰五帝三代之記尙矣

索隱曰此

表依帝繫世本

自殷以前諸侯不可得而譜周以來乃頗可

著孔子因史文次春秋紀元年正月日時蓋其詳哉

至於字世書則略無年月或頗有然多闕不可錄故

疑則傳疑蓋其謹也余讀謀記

注謀者記系諡之書

黃帝以來

皆有年數稽其歷譜謀終始五德之傳

褚先生引黃帝終始傳

古文咸不同乖異夫子之弗論次其年月豈虛論於

是以五帝繫謀尙書集世紀黃帝以來訖共和爲世

表

索隱曰大戴禮有五帝德帝繫篇大史公取此起二篇之謀及尙書集而紀黃帝以來爲系表也

黃帝至顓頊三世帝侖四世帝堯五世至桀二十世

至湯十七世至紂四十六世至武王立十九世自黃

帝至堯舜禹皆同姓而異其國號以章明德

書

五帝考德

曰平陽春秋左傳其後即正帝

前漢曆志帝考德曰少昊曰清黃帝之子青陽也注

師古曰考德者考五帝德之書也又有堯舜禹帝系

之書 史記太史公曰予觀春秋國語其發明五帝

德帝繫姓章矣

見下

歐陽修帝王世次圖序云司

馬遷作本紀出於大戴禮世本諸書今依其說圖而

考之堯舜夏商周同出黃帝

云云

唐帝系

虞帝系

禹帝系

前律曆志唐帝帝系曰帝嚳四妃陳豐生帝堯封於
唐蓋高辛氏衰天下歸之木生火故爲火德天下號
爲陶唐氏卽位七十載虞帝帝系曰顓頊生窮蟬六
世生舜處虞之嫡汭堯嬪以天下火生土故爲土德

天下號曰有虞氏卽位五十載伯禹帝系曰顓頊六
世而生禹虞帝嬪以天下土生金故爲金德天下號
曰夏后氏繼世十七王四百三十二歲 大戴禮帝
繫篇第六十三

始於少典終於塗山

史記太史公

曰孔子所傳宰予問五帝德及帝繫姓儒者或不傳
予觀春秋國語其發明五帝德帝繫姓章矣正義大
戴禮及孔子家語篇名

索隱同

春秋正義司馬遷采

帝系世本以爲史記 蜀志秦宓見帝系之文五帝
皆同一族辨其不然之本 太平御覽引帝系譜女
媧充樂

堯百官族姓

堯典九族既睦平章百姓注百官也正義此下既言
黎民故知百姓卽百官族姓也 左傳隱八年無駭

卒羽父請諡與族公問族於衆仲對曰天子建德因

生以賜姓

立有德爲諸侯因其所由生以賜姓若舜由媯汭故陳爲媯姓

胙之土而

命之氏諸侯以字

位卑不得賜姓故其臣因氏其王父字

爲諡因以爲

族

或卽先人之諡稱以爲族

官有世功則有官族邑亦如之公命

以字爲展氏

諸侯之子稱公子公子之子稱公孫公

孫之子以王父字爲氏

正義氏族一也釋例曰別而

稱之請之氏合而言之則曰族例言別合者若宋華

向出戴桓公獨舉其人則云華氏向氏并指其宗則云戴族桓族記謂之庶姓者以始祖爲正姓高祖爲庶姓庶姓亦氏族之別名也姓則受之於天子族則稟之於時君其不賜者各從父之姓族黃帝之子兄弟異姓周之子孫皆姓姬者古今不同賜姓者亦少唯外姓媯滿之徒賜族者有大功德宜世享祀者方賜之王朝大夫不封爲國君者王賜之族春秋尹氏武氏之徒魯挾鄭宛皆未賜族故單稱名華督生立華氏魯之輦挾柔溺名見於經其後無聞是或不得族也其士會之帑處秦者爲劉氏伍員之子在齊爲

王孫氏知果自別其族爲輔氏皆身自爲之非復君
賜釋例曰子孫繁衍枝布葉分始承其本末取其別
故其流至於百姓萬姓服虔云公之母弟則以長幼
爲氏貴適統伯仲叔季是也庶公子則以配字爲氏
尊公族展氏臧氏是也

春秋未賜族而身爲大夫則

稱名無駭挾之類是也已賜族而使之世爲大夫則
稱族如仲叔季孫之類是也古者置卿必求賢德不
以世官伊陟象賢復相大戊丁公世美入掌兵權不
以世故疑之也

襄公十年伯輿之大夫曰平王東遷
吾七姓從王賜之駢旄之盟 襄十一年同盟于亳

載書曰七姓十三國之祖

晉魯衛鄭曹滕姬姓邾小邾曹姓宋子姓齊姜姓莒

已姓杞姒姓薛任姓實十三國

三十一年鄭公孫揮辨於大夫之族

姓班位

楚語觀射父曰民之徹官百王公之子弟

質能言能聽徹其官者物賜之姓以監其官謂之百

姓

物事也以功事賜之姓若司馬太史之屬

姓有徹品十于王謂之十品

單襄公曰有分族于周

後魏禮志許叔重五經異

義云今春秋公羊穀梁說卿大夫世位則權并一姓

謂周尹氏齊崔氏也古春秋左氏說卿大夫皆得世

祿傳曰官族易曰食舊德書曰世選爾勞詩云不顯

奕世

堯賜姓號

商頌正義中候握河紀云堯曰嗟朕無德欽奉丕圖
賜爾二三子斯封稷契皐陶賜姓號注契爲子稷爲
姬皐陶未聞 禮記正義鄭駁異義云炎帝姓姜太
皞所賜黃帝姓姬炎帝所賜故堯賜伯夷姓曰姜禹
姓曰姁契姓曰子稷姓曰姬著在書傳是天子賜姓
也諸侯賜卿大夫以氏若同姓公之子曰公子公子
之子曰公孫公孫之子其親已遠以王父字爲氏若
適子以五十字伯仲爲氏若魯之仲孫季孫是也庶
子以二十字爲氏則展氏臧氏是也異姓則以父祖

官及所食邑爲氏則司馬司城是也以邑爲氏若韓趙魏是也凡賜氏族者爲卿乃賜大功德生賜以族若叔孫得臣是也以公子之字賜爲族若仲遂是也無功德死後乃賜族若無駭是也若子孫不爲卿其君不賜族自以王父字爲族也

高陽高辛十六族

左傳高陽氏有才子八人蒼舒隕斃檣戴大臨謂之八愷高辛氏有才子八人龐降庭堅何容叔達謂之八元此十六族也世濟其美不隕其名

祝融八姓

鄭語史伯曰黎為高辛氏火正也吳回故命之曰祝融

能昭顯天地之光明以生柔嘉材其後八姓祝融之後已董

彭禿姁於周未有侯伯已姓昆吾蘇顧溫董莒其董

姓饒夷豢龍已姓彭姓彭祖豕韋諸稽大彭也豕韋諸稽其後別

封禿姓舟人之別姁姓鄆鄆路偃陽曹姓鄒莒斟姓

無後融之興者其芊姓乎芊姓夔越不足命也惟荆

實有昭德春秋疏世本氏姓篇云任姓謝章薛舒呂祝終泉畢過

禹錫土姓

禹貢錫土姓注天子建德因生以賜姓謂有德之人

生此地以此地名賜之姓以顯之鄭立注謂肝之土賜之姓舜

典別生分類注生姓也別其姓族分其類使相從
國語帝胙禹以天下賜姓曰姁氏曰有夏胙四岳國
命爲侯伯賜姓曰姜氏曰有呂 史記紀舜封契于
商賜姓子氏棄別姓姬氏秦之先柏翳舜賜姓嬴氏
傳舜賜董父姓曰董氏曰豢龍胡公周賜之姓 論
衡古者因生賜姓若夏吞薏苡而生則姓苡氏商吞
燕子而生則姓子氏周履大人綦則姬氏古者有本
姓有氏姓陶氏田氏事之氏姓也上官氏司馬氏吏
之氏姓也孟氏仲氏王父字之氏姓也

夏商姓氏

史記太史公曰禹爲姁姓其後分封用國爲姓故有
夏后氏有扈氏有男氏斟尋氏彤城氏褒氏費氏杞
氏繒氏辛氏冥氏斟氏戈氏契爲子姓其後分封以
國爲姓有殷氏來氏宋氏空桐氏稚氏北殷氏目夷
氏

商氏六族 七族

見分器

周譜 春秋曆譜謀

漢溝洫志大司空掾王橫引周譜云定王五年河徙
注如淳曰世統譜謀也 藝文志曆譜帝王諸侯世